



**Unniutjuti Munariyumin Ministamun uvani Quilliq Alruyaqtuqtunik
Ikumatjutiitkunnun**

Uvuuna:

**Uuminnga Uukturutimik Quilliq Alruyaqtuqtunik Ikumadjutiitkunnin
Angirutikhaanun Urhuryuani Akighanut Ikayuutimun**

**Uvannga
April 1, 2016 uvunga September 30, 2016
Unniutjuti 2016-02**

June 9, 2016

KATIMAYIIT ILAUYUT

Ray Mercer	Ikhivautalik
Graham Lock	Katimayi
Anthony Rose	Katimayi
Jimmy Akavak	Katimayi
Robbin RR Sinclaire	Katimayi

IKAYUQTHIT

Rod Stockley	Ataniq Aulapkaiyi
Raj Retnanandan	Qauyihaqti

TITIRAQHIMAYUT NAITTUNGUQHIMAYUNI

CGS	Nunalingni Kavamatkunillu Pivikhaqautikkut, GN
GN	Nunavut Kavamat
GRA	Taapkununga Akitutilaanginnut Uukturuti
FSR	Urhuryuanut Akighanut Ikayuuti
PPD	Urhuryualiqiyiitkut Kangia, GN
QEC	Qulliq Alruyaqtuqtunik Ikumadjutiit
URRC	Igluin Aulatjutititgun Akitutilaanginnut Katimayiit
UPC	Atuqtaulluavaktuq Atauhirmin Niuviqpaktumin
KWh	Kilowatt Ikaarniq
MWh	Megawatt Ikaarniq

ILUANIITTUT

- | | | |
|------------|-------------------------------------|-------------------------------------|
| 1.0 | ATURUTIKHAQ..... | ERROR! BOOKMARK NOT DEFINED. |
| 2.0 | HIVUAGUT..... | ERROR! BOOKMARK NOT DEFINED. |
| 3.0 | HAVAGUTIT | ERROR! BOOKMARK NOT DEFINED. |
| 4.0 | IHAMAGINIQ UUKTURUTIMI | ERROR! BOOKMARK NOT DEFINED. |
| 5.0 | URRC PITQUYAUHIMAYAIT | 7 |

1.0 ATURUTIKHAQ

Qulliq Alruyaktuqtunik Ikumadjutiit (QEC), auladjutiliqiyuvlutik, piyughauyut maliklugu Ilangani 12 (1) uumani *Igluin Auladjutitigun Akitutilaanginnut Katimayiit Maligaq* (Maligaq), angiktaukuvlugu Ministanganut QEC-kut (Minista), hivuagut havaliqtinnagu akikhanik akiliktakhanikluunniit. Ministangat piyukhaq maliklugu una Ilangani 12 (2) Maligaqmi, uquaudjiyauyaamingni ukunanga *Igluin Auladjutitigun Akitutilaanginnut Katimayiit (URRC)* auladjutikhaliqiyinit ihuaqhayaamingni akikhanik akiliktakhanikluunniit.

Titiraqhimayumik upluani March 31, 2016, QEC-kut uuktuqtut Ministamut QEC-kunut, angiktauyumaplutik uuminga Uqhuqyuat Akighanut Akikhaa (FSR) utiqtiffaarutikkut ikayuutikhamiq taimaa 3.07 cents atauhiqmut kWh, talvanga April 1, 2016-min talvunga September 30, 2016-mun. Titiraqhimayumut upluani March 31, 2016, Minista tukhiqtuq uqautjiyikhanik URRC-kunit Aturutikhamut.

2.0 HIVUAGUT

Taapkuat tahamaniittut pauwaliqinikkut akitutilaangit angiqtauhimayut atuliqhutik May 1, 2014, malikhugit Ministanin Pitquitjutainnin upluqaqtumi May 30, 2014, ilaupluni QEC-kut 2014/15 Havagutikhaq I Tamainnut Akitutilaanginni Uukturutimi (GRA). Uqumaitilaaqtauhimayut urhuyuani akitutilaangani ihumagiayuq imaatut \$1.10 atauhirmi litre-mi (uqumaitilaaqtauhimayut tamainni nunallaani) iliuraqhimayut tahamaniitnun tunngavigiyauyuni akitutilaanginni tautuktitaa December 30, 2014 titiraqhimayuq Nunalingni Kavamatkunillu Pivikhaqautikkut Havakvianin (CGS) mikhaagut urhuyuat akiinni aallanuqtirnirni ukununga QEC-kunnun.

Tatja uukturuti uumunga FSR utiqtiffaarutikkut ikayuutikhamiq taimaa 3.07 cents atauhiqmut kWh, atulirluni April 1, 2016-min talvunga September 30, 2016-mun. Urhuryuani akiinni titiqqat naunaitkutat tuniyauhimayut ilauplilik uukturutimi naunaiyaqtaa una GRA nalautinniarhimayuq urhuryuat akingani imaatut \$1.10 atauhirmun litre-mut uumunga

piuqpiarhimayumun uplunganun nalautinniarhimayununlu urhuryuani akiinnun, uumunga hivitunirmun April 1, 2016-min talvunga September 30, 2016-mun.

Uukturutimini, Kuapuriisitkut tukhiqtuq angirutimik uumanı 3.07 cents atauhirmi kWh FSR utiqtiffaarutikkut ikayutikhamiq tatjakaffumi utiqtiffaaqtaarnikkut tunnganiqarluni, atulirluni April 1, 2016.

URRC-kut katimavaktuq uqautigiyumaplugu uukturuti taimaalı, titiraqhimanikkut upluqaqtumik April 11, 2016 pitquitjutiqaqtuq angirutikhamik uuminnga tatjakaffukmi FSR utiqtiffaarutikkut ikayutikhamiq taimaa 3.07 cents atauhirmi kWh talvannga April 1, 2016 to September 30, 2016, tunnganiqarhuni hivulliinni ihivriurhinirni uumanı uukturutimi pinanganinlu tamaat URRC-kunnit ihivriurhinirmik uumanı uukturutimi. URRC-kut ihumaliuqtut atuqtipkailirniq uuminnga FSR utiqtiffaarutikkut ikayutikhamiq nakuuniqaqtuq inungnun aajikkiikniqarhunilu aulapkainingani akitutilaanginni aajikkiikniqarnikkut taimainnun atuqpaktunun.

Talvani pitquitjutaani URRC-kut qulaani, taamna Minista munariyalik URRC-kunnun angiqhimaya FSR utiqtiffaarutikkut ikayutikhamiq taimaa 3.07 cents atauhirmi kWh aturlirluni April 1, 2016 imaatut tatjakaffumi utiqtiffaaqtaarnikkut tunnganiqarluni maliklugu Ilanganun 12.1.(1) uvani URRC Maligaqmi uqarhimayuq: “Talvani uqautjiyiningit Ihivriuqtiiit Katimaiiit tukhiqtakpat ataani iluani-ilangani 12(2), Ihivriuqtiiit Katimaiiit pitquitaaqtut atuqtipkailirnirmik uuminnga tatjakaffumi akitutilaamik akiliqtakhamikluunniit kihiani pitquitjuti tuniyaukpat ataani ilangani 16-mi, unalu Minista Ihivriuqtiiit Katimaiiinni angiqtaaqtaa tikkuaqtauhimayuq aulatjutiliqiyiuplutik atuqtipkailirlugu pitquyauhimayuq tatjakaffumi akitutilaamik akiliqtakhamikluunniit.”

3.0 HAVAGUTI

Ilangani 13(1.1) Maligaqmi uqaqhimayuq imaatut:

Talvani, ihumaginingani Ihivruiqtiiit Katimayiit, taamna uukturuti tukhiqtauyumun akitutilaamik akiliqtakhamikluunniit mikkauyuq uukturutimi, Ihivruiqtiiit Katimayiit unniutiyukhaq munariyalikmun Ministamun iluani 90-ni upluni pinngani munariyaliup Ministaup tukhirutaanik uqautjiyihanik ataani iluani-ilangani 12(2).

Ihvriuqhiningani QEC-kut uukturutaani, URRC-kut ihumaliuqhimayut pitjutilugu una FSR uukturuti taimaatut mikkauyuq uukturuti.

URRC-kut pipkaiyut ilitturipkaitjutikhamik Uukturutimi titiraqtauhimaluni uvani Nunavut News/North, Nunatsiaq News uvani Nunatsiaq qaritauyakkurutikkut talvani tatqiqhiutaani April 2016. Pipqaqtihimayaillu CBC-kut inungnun tuhaqtakhainnik April 2016-mi.

Ihumagitjutiqaqtut kitkut uuktuqviqarhimayuugaluat tuninikkut titiraqhimayunik tuniyakhamiknik URRC-kunnun mighaagut Uukturutikkut qaangiqtinnagu May 25, 2016. Piqangittuq tuyuqtauyunik.

QEC kiuyuq ilitturipkainikkut tukhirutinun tuniyauhimayut URRC-kunnin mighaagut uukturutikkut uvani May 2, 2016.

URRC-kut ihumaginia talvuuna iluaniittuq uumani unniutjutimi.

4.0 IHUMAGINIQ UUKTURUTIMI

QEC tunihimayuq, ilauplutik uukturutimi, naunaitkutinik naittunik naunaitkutinik nalautinniarhimayuni tatqiqhiutini avaliaghimayut ukunani Urhuryuani Akighanut Maniqarviani talvunnga September 30, 2016-mun, naunaiyaqhugit naunaiyautit uvani tukhiqtauhimayumi utuqtiffaarutikhami ikayuutimi. QEC uqarhimayuq taapput naunaitkutit tunnganiqaqtuq hapkuni ilitturipkaitjutini ihumagiayayunilu imaatut:

1. Angiyunun Urhuryuanun Akiit: Hivullit piqpiarhimayut angiyuni urhuryauni piyauhimayuni akiillu talvannga 2015 umiakkut pivikmin. Nalautinniarhimayut angiyuni urhuryuani piyauyukhat uvunga 2016 umiakkut pivikmin ihumagiayayut aajikkiiktitauniatut akiinni uvannga 2015-min piqpiarutainnin.
2. Naunaiyaqhimanik Urhuryuani Akiit: Piqpiarhimayut naunaiyaqhimanik urhuryuani akiit uvunga December 2015-mun ukuallu nutaat akiklilaqhimayut naunaiyaqhimanik urhuryuani akiit atuliqtut January 1, 2016 tuniyauhimayut Nunavut Kavamatkunnin.
3. Urhuryuat Amigaitilaanga: Nalautinniarhimayut urhuryuani akiit tautungnarniqaqtut uqumaitilaakkut urhuryuakkut akiit tunnganiqaqtuq urhuryuat amigaitilaanginni ukunani lu ilauhimayuni angiyuni urhuryaurni ukunani lu naunaiyaqhimanik urhuryuani piqpiarhimayuni.
4. Niuvvaanikkut Pauwaliqinikkuutikkullu: QEC-kut qangannaq pauwaliqinikkutaa niuvvaanikkullu nalautinniarhimayut.

QEC niuviqpaktait tamaita urhuryuatik talvannga Nunavut Kavamatkunnin (GN), Urhuryualiqiyiitkut Kanninga (PPD) uvani Nunaliningni Kavamatkunillu Pivikhaqautikkut (CGS). Taapkuat niuvirniit niuviqtauvaktut PPD-kunnin talvuunaluunniit kantraaktipkarhimayamiknin havaktinin.

Uvani ilitturipkaitjutikhakkut tukhirutaanin URRC-kunnin, QEC tukhirvigiayayuq tuniluni tunnganianik talvani taapkuat 6-sini tatqiqhiutini niuvvaanikkut nalautinniarhimaniit imaatut 80,108 MWh qanuqtut naunaiyaqtauva ilitturipkailunilu ilihimayakhaanik tatja piangaiyarnikkut

innia Nunavunmun ilitariyauhimava ukunani pinikkut niuvvaanikkut nalautinniarhimanirni.

Kiutjutimini QEC uqarhimayaa niuvvaanikkut nalautinniarhimanirmikni pitjutiat imaatut:

Atuqtaunikkut nalautinniarhimaniq uvunga January 2016-min talvunnga September 2016-mun piliuqtauhimayuq atuqhuni atauqtauraanginnaqtunin atauhirmin niuviqpaktumin (UPC) pitjutikkut. Nalautinniarhimayut UPC tunganiqaqtuq aulahimayumin ukunani nutaangutqiayayuni tallimani-ukiuni piqpiarhimayuni UPC-mi. Amigaitilaani niuviqpaktuni amigaiqyuummiqtirhimayuq piplugu tallimani-ukiuni piqpiarhimayuni inugiaghiyummiqtirnikkut pitjutini tamaanni nunallaani. Una nutaanguyuq nalautinniarhimanikkut pitjuti, taimaa QEC-kut uuktuliqtaa malikhugu URRC-kut pitquitjutaa talvannga Unniutjutimin 2014-04-mi.

QEC pingittuq aallanik quullirnin-atpanun aallanguqtirutinik uumunga atuqtaunikkut nalautinniarhimanirmiknun.

QEC-kut nalautinniarhimania aajikkiikniqaqtuq Nunavut Kavamatkutiup 2016-17 manikkut aturutaani nalautinniarhimatjutaani ukununga akunnganiittunun piqpiarhimayuni GDP nauvallianinginni uvanilu inugiangnikkut nauvallianinginnilu. [URRC QEC 1e)]

URRC-kut ihivriuqhimayaa QEC-kut naunaiyarutaa uvani FSR utiqtiffaarutikkut ikayuutikhamiq naamaginiqaqtullu qanuriliurutit naunaiyarutillu atuqtauyut ihuaqtut aajikkiikniqaqtullu kingulliinni atuqpaktainni.

Ihvriuqnirmi Aturutimi ukunani lu QEC Ilitturipkainikkut Kiutjutini, URRC inirutikkut uqaqtut taamna utiqtiffaarutikkut ikayuutikhamiq tukhiqtauhimayuq uvunga April 1, 2016-min uvunga September 30, 2016-mun ihuaqtuq inungnunlu nakuuniqarnirmun.

5.0 URRC PITQUYAUHIMAYAIT

1. Ilangani 13 (1) Maligaqmi uqaqhimayuq:

Ihvruqtiiit Katimayiit, unniutiniaqtuq munariyalikmun Ministamun pitquyamiknik imaatut:

- a) atuqtipkailirniq tukhiqtauhimayumi akitutilaamik akiliqtakhamikluunniit pipkaqtitauyukhaq,
- b) atuqtipkailirniq tukhiqtauhimayumi akitutilaamik akiliqtakhamikluunniit pipkaqtitauyukhaungittuq, imaaluuunniit
- c) aalla akitutilaamik akiliqtakhamikluunniit naunaiyaqttauuhimayuq Ihvruqtiiit Katimayiinnit atuqtipkailiqtauyukhaq

Malikhugit ukuat qulaani URRC-kut pitquiyut urhuryuakkut utiqtiffaarutikkut ikayuutikhaq imaatut 3.07 cents atauhirmi KWh angqtauyukhaq QEC-kunnun, hivitunirmi April 1, 2016 to September 30, 2016-mun.

2. Pittuq uumani Unniutimi ihuirutaulimaittuq URRC-kunnun ihumagiyamingnut aallanun hunaliqaaknun pitjutikhanun QEC-kunnun.

PITJUTIGIPLUGIT IGLUIN AULATJUTITTIGUN AKITUTILAANGINNUN KATIMAYIIT NUNAVUNMI



UPLUNGA: June 9, 2016

Raymond Mercer

Ikhivautalik